

志壑堂文集



吳越同遊日記下卷之八

潯川唐夢賚濟武日記



十二月初一日曉起將寤吳山東南面乃同念  
東先生登瑞石山之巔左望爲通元觀下臨  
修竹參天者壽春菴也菴爲掃帚禪師故刹  
今祠漢壽亭侯矣殿後一小池清澈可鑑豈  
卽所謂寶蓮池耶琅玕數畝雜于香積之間  
殊敗人意武林雖多竹狀使美人執麴高僧  
作屠可謂位置得宜乎通元觀吳山東南之  
盡處璇宮紺宇迥出人天而殿前石闌外碧  
玉森森直逼洞霄所謂不惜階前尺寸地爲  
此君吐氣揚眉也阿嬌固空貯之金屋如此  
君抗節孤標不宐在鬱羅天上呼風喚雨哉  
左進八仙亭側拂雲萬竿疑掃帚禪師法身  
現在對范文正舉帚作舞勢時也

念東先生詩門外青山傍屋難山家也只是柴關  
那能畫閣參差處直在奇峯杳靄間松頂偶看猿  
定去雲心時喚鶴飛還翠微蹋破千峯上天眼方

又詩別館初開疊嶂旁名花庭下試新粧江湖綺  
錯潮聲遠風竹蕭森客夢涼樺燭穿籬來遠樹秋  
杵落子振長廊城中亦有孤山在儘可支分放典  
狂

初二日荅拜張蕙嶸先生軒前紅梅已放二葉

歸再同念東先生遊通元觀作贈李石書詩

初三日邀吉津先生孫樹百來觀隣舍園亭適

陸鶴田戴帖瞻俱至因共過其地與孫生比

志壑堂文集

卷下

二

隣狀較孫生別墅山益高削池益汗漫亭益  
勝竹益大由亭而上益巉巖不可登歸寓觀  
鶴田與樹百奕如鉅鹿之戰屋瓦皆飛已而  
帖瞻與吉津先生奕則輕裘緩帶雅歌投壺  
之致矣

初四日孫樹百招觀陸鶴田與棋師奕座間一

客歌蕭寺暮雲一闕有時停雲不下有時崩

浪驚飛伏而不起若冥鴻容與抑而不進若

神駿脚蹶可謂得此道三昧矣

初五日過候蓼航夫子歸自吳山濱太乙數則  
在大過之四爻也

初六日顧侍御季蔚見招聆其議論精鑿濟世  
才也顧爲王文卿同年令慈谿時所得士王  
蔚歸田後季蔚歲時問訊情誼尤篤有別墅可  
觀云俟之异日王綏山以珍羞見餉作詩次  
念東先生韵報之

念東先生詩右丞乘願又來乎彈指三生朝與瞞  
物外采真投佛座客中兼味壓天厨喜君落落元

志壑堂文集

卷下

三

龍氣贈我盈盈明珠莫怪干將猶小試人間終  
自有風胡

余和詩 平津不厭惡賓乎對使閒樽日又脯甲古  
聯吟歸畫舫看山行酒命僧厨真成故事三生石  
快讀新詩十斛珠幾載相逢勤問訊喜君子弟有  
封胡

初七日綏山同岵瞻來鶴田亦至與吉津先生

奕綏山與座客三人按拍節歌絲竹間作直  
疑是綠山笙鶴初下時矣聽歌者三每進而

益上綏山于此道甚深故所與盡一時佳士  
有阮遐生者名甚著獨逡巡不歌爲恨耳卽  
席作一詩贈之是日羅齏使輝山過晤非王  
戴見訪則吳山單椒屨巉巖披蒙茸耳

好山晴日似初春拄杖青鞋事事新自是竹林逢  
阮藉不關採藥得劉晨長歌痛哭皆奇士美女神  
仙亦可入檀板一聲高韻發桃花潭水認前身

又用前韻再贈綏山

吳山杖履曾周乎不爲君歸

每至脯油壁車初聞命駕青精飯已脩行廚吹簫  
志壑堂文集 卷下 四  
空坐千人石度曲眞成一串珠惟祝西陵休更去  
使君久欲罵秋胡

初八日爲釋迦文佛成道之辰余生日也同出  
清波門詣淨慈寺拜佛登永明壽禪堂堂後  
慧日峯松竹鬱翠出寺門望雷峯塔西行由  
蘓堤而北買小舟過孤山南面入盧舍菴登  
閣至昭慶寺前茶肆小飲是日也風日晴美  
湖光搖動水木空明青山倒影直穿六橋始  
盡西湖之勝計過西湖凡五始楊靜調相招

栽舸巨艦賓主酬酢午後登舟樂作行觴至  
湖心亭而還乍似天末貴人芳名在耳一揖  
之外並不寒溫雖下車登牀玉笛三弄自是  
名士風流肤交臂無語其去扁舟及門典盡  
而反者幾何矣又一日由段橋步至孤山猶  
是走馬樓頭美人半面惟靈隱三竺之遊知  
已縱譚杖藜汗漫好山嘉樹便得靜對支願  
流水石橋遂爾冥情趺坐行不盡爲韜光寺  
最難忘處冷泉亭三竺歸舟雙杵對奕可謂  
南來佳會此中勝遊矣獨東南一帶足跡未  
經雖吳山眺望不過得其皮毛麤跡耳又一  
日出湧金門循湖而北至昭慶寺投刺風湧  
潮生湖山動影祇如宮牆外望面目依稀獨  
是日以晴雲暖日嘉平令節諸寺參佛鐘鳴  
鯨吼于是逍遙蘓堤六橋歷歷指數舊遊罄  
肤貫通真如蘭亭金谷我作主人方丈蓬壺  
移來家舍與雪鴻指爪不記東西榻刺藤梢  
尚愁出入者迥不侔矣所幸舟子見北來駒

馬者輒搖櫓而避無已乃肯直過蘓堤耳若  
再一登舟又覲面而失之不幾使含嚙西子  
笑人局促如轅下駒耶茶肆憑欄夕陽晚照  
波影晃漾清映兩峯直寫出子瞻瀲灩詩註  
大約南中樓居無地院窄無天十日九陰而  
不見日月乍得晴明喜如金鷄肆赦惟有湖  
光潋灩晴方好耳誰謂山色空濛雨亦奇耶  
入城赴吳瑤如公子席以吉津先生未至乃  
往看顧季蔚園園爲武林巨觀念東吉津兩

志壑堂文集

卷下

六

先生俱有詩

余詩

煙雨笙歌總不宐蕭狀杖履此蘓堤西陵墓  
木飛烏鵲南渡宮牆立鷺鷥卵酒市樓沽飲後午  
參隣寺打鐘時始知晴日閒來往倒影湖山返照  
奇

念東先生詩  
君能乘願王侯臘我欲拈香調郤師拂碣已驚唐  
歲月上堂初見漢威儀濟公猶在人間否枯木寒  
灰遊戲奇

初九日詣蓼航夫子已解組矣而交代留滯啓  
行無期相對惟嘆宦海之難耳

初十日吉津先生行附寄故人字云射虎山中  
呵醉尉負瓢畦上笑春婆姓字不齒人間久  
矣何緣涑水時憶元城耶

十一日嚴侍御方貽來道其將赴都改補而苦  
于資斧遷延數時矣以江浙財賦之鄉所患  
苦乃至如此金門索米之難槩可知矣

十二日往笑隱菴荅拜文僧兄弟僧乃文文起

相國會孫早歲薙髮精于墨妙以莖母出山  
士夫與交遊甚夥去日來索詩壽其尊人是  
日往晤不值晤乃兄楓嶺菴在學士橋東北  
臨聖湖記在金陵卞圖南爲言此菴此僧比  
至則忘其名矣邂逅相遇將來丹青北待詔  
公後塵不可量十年後必有信予言者

爲文于宋壽父詩

去年此日王侯臘山中問訊高

堂榻余感迺文此日生今年誰禮報恩經一子成  
道九祖仙乃翁註生兜率天持將椒花祝新歲絲



強他日孟蘭會

十三日同鄉設山東麥飯果桑梓之味也

十四日晤陳吉雲此間理學經濟士也所言鑄

鈔折漕等事頗與予舊論合劉正一自湖州

寄書來云所稱破頭臧天師者今在杭城錢

沃心學使之子與之交張公綬往臨之臧卽

來會值余他出覲面失之

十五日戒輿馬將往雲棲拜蓮池大師道場已

成行矣會以事不果往

志壑堂文集

卷下

八

十六日間蓼航夫子部檄已下同綏山往訂餞

期已而同鄉邀飲葡萄酒再約文于宋爲作

小像擬科頭跣足在林巒洞壑之間若便在

冷泉亭飛來峯間石橋上小坐尤佳也作一

詩贈戴帖瞻

息肩襍被感居停十載離羣見典刑東國傳經儀

禮註西湖高臥少微星與僧結制山留杖對客開

扉水浸亭翻笑子猷無意緒剡溪纔到又揚舲

十七日晨爨蓐食爲雲棲之行出正陽門沿江

岸西南行可二十里再折入水田繡錯石泉  
灑灑成溪西來翠巖屏開巨筮十里大者徑  
圓一尺松杉雜植陰森一逕從竹籬間蜿蜒  
穿入小憇洗心亭亭懸木念珠一挂大如拳  
亭前石塘清徹竹筍引水伏流汗漫不知散  
布何方矣再入青玉逕抵寺門禮佛拜蓮池  
大士像傍存大士所臥木牀布幔補綴牀可  
二尺牀前法座皆山木樸樸非工匠所成佛  
殿僧房規模皆大士教旨不令高大金相國

豈凡所題額現在說法四字在觀音殿前出  
寺迤東爲大士塔院展拜出山思昔人高風  
若此視今之窟極土木以爲功德者相越何  
如哉是日韓仲常自里門來燈下共譚家園  
近事得舍弟家報

煖日肩輿復杖藜沿江一逕指雲栖山連和靖藏  
梅塢水出巖光垂釣谿牀座風高墳院古松篁影  
暗法堂低十年夢覺西方意七筆勾詞感舊題

念東先生詩江帆千疊帶斜陽東去江流萬里長

路轉山腰心已喜行行前路入松篁

又小小匡廬聖水西五雲十里綠天迷不須更說  
蓮花社只爲此君來已竑

又大將合抱綠如琴十載重來見此君欲借百竿  
小閣下雲栖飛去判栖雲

又殘冬已分在天涯寓舍三遷境漸嘉百步隨看  
山寺竹十錢便買水仙花客攜絲管歌能和術叩  
星平曆已差西去雲栖境大好不須重過辟疆家

十八日韓燕翼年兄來招度歲作書謝之荅拜

志壑堂文集

卷下

十

王藻如同館于昭慶寺歸買小舟自湧金門  
入

十九日餞蓼航夫子于武林門外賣魚橋俞生  
家酒數行演戲六折而別見俞生名葵古文  
制義乃將來翰苑名流而姓字尚不得廁諸  
生之末爲之嘆息座中作靈隱寺一詩

南宋陵園付劫灰鑄崖古佛亦莓苔諸天鳴磬泉  
皆應絕壑聽松響易哀占此溪橋圖像在清人魂  
夢畫屏開達磨東度山無主葱嶺如今悔不來

二十日早送蓼航夫子于北新關外覓舟由長  
山門入至則王冶山與帖瞻已在寓矣文于  
宋畫小像至

二十一日寒甚夜大風吹折三仙閣下樹擁爐  
圍碁呵手下子張襟三來邀遊城隍山以寒  
不能往作許竹隱觀風錄序

念東先生歌朝亦上吳山暮亦上吳山吳山何所  
見但見渡江船南去西興道東坡骨已槁幾度又  
斜暉五字千秋了北來省會何聞闐車馬直接北

志壑堂文集

卷下

七

新關出關一棹千萬里西通蜀楚北幽燕咫尺盈  
盈過秀水畫樓烟雨蘇臺起金閨門壓太湖頭虎  
丘寺踞橫塘尾九州名酒惠山泉過客飽垂一尺  
涎東林自古名賢地高顧流風尚未湮咽喉南北  
稱京口鶴林嘖嘖精蓋久東顧憑欄望海門長江  
萬里蛟龍走單椒浮玉立江天障盡山兪如市屢  
高人正愛荒寒地更欲東行訪孝朕舉頭冉冉維  
揚步零落瓊花來已暮何人載酒平山堂有客長  
歌雷塘墓秦郵湖漲浪粘天莫遇淮陰惡少年兒

女高誼良足憶英雄末路亦堪憐鳴那皮酒紛可  
數片帆直至清江浦齊魯歸人喜近家馬蹄得得  
眞吾土李家庄上酒初佳彷彿青州從事來倦客  
解衣聊一醉籃輿纔駐覓金釵岱宗雲接龜蒙麓  
雪花掌大豐年福入門完卻官家糧醉鄉爲我菟  
裘足

二十二日往別戴玉留飯于岵瞻水亭作詩贈

別

暇日蕭齋暖復晴臨岐絮語倍分明坐傾新釀松

志壑堂文集

卷下

十一

醪熟起看寒梅笑麝生邸舍再來如故識奚童曾  
見亦歡迎於今始識王猷意安道相思爲有情

二十三日買舟北歸作封嶺上人養母詩張襟

三邀遊城隍山登後閣西湖宛在檻外

旅食江湖臘盡天聞君菽水意悽然誰云大士維  
摩詰自識前生日健連身世垂竿春澤外晨昏煨  
芋火爐邊笑他東海延年母歸去爲兒掃墓田

二十四日卜歸期在新正初三日便赴韓燕翼

之招向武康度歲亦可行止既定意慮寧妥

裴釘子劉子及左傳統箋等書作小像手卷

二十五日念東先生爲言閩中林少叅鐵崖之

子手南權關高公紫虹孤孀逆旅爲之惻狀

常與戴王兩公稍稍及之或有濟耶錢塘

令梁承篤來以柳村漁樂圖索詩

念東先生詩一月山茶尚艷粧胆瓶又喜蠟梅香

歲行盡矣寒方劇人正蕭朕夜更長選藥初嘗瓶

內酒薰籠更試帳中香新聞不厭看稗史殘燭熒

熒一寸光

志壑堂文集

卷下

十三

又二吳臘雪舊來稀預怯春寒上旅衣了已無情

堪惹夢不知何事又懷歸客中少病天能念老去

尋師願久違一壑千峯卒歲好鶴笙長傍五雲飛

二十六日將往西溪看梅已約張襟三矣以城

隍山湯道士克明來爲余灸左臂穴積冷不

果行二林生來云南權關使者見之有贈金

爲之忻朕一快余亦少有所贈志一念也

二十七日起作顧季蔚園亭詩又題梁承篤柳

村漁樂圖卷同邑王聖玉自閩回寄家報

顧園詩

夢想林亭春復秋，主人不值亦來遊。園丁

鎖鑰前開，逕竹樹青葱。近出樓過嶺，偏攜黃蠟屐。  
凭軒直上木蘭舟，古今勝地云如畫。愁絕君家痴

虎頭

念東先生顧園詩，乍到蕭然屜市空。行行轉步志  
西東，二分叢桂三分竹。十畝方塘一畝宮，畫閣流  
雲濕不去，金溝細浪暗相通。遊人杖屐常難遇，疑  
在迷樓曲折中。

又子猷竟造典，如何解事園。丁幸不呵冷翠，全收

志壑堂文集

卷下

十四

山色盡丹青，眞恐畫圖訛。長廊地覺高低險，幽徑  
人驚曲折多。遙憶平泉只似此，何人花月數來過。  
又聞道名園隔一坊，匆匆驅馬緩行觴。似呼蓬島  
移開館，無盡壺天入曲廊。竹瘦能憑石作態，亭危  
偏與水分疆。偶來徙倚忘歸去，不許遊人與不長。

二十八日出北新關看雇船，念東先生自王冶

山處問道回，而武康舟亦至。留聖與燦東及

家人輩守舟，遂取道武康。久客初歸，雖未便

至故園，而意趣欣慰，頓如羈鳥之脫籠也。二

鼓始至德清扣水關已三鼓餘奕後小飲和  
衣假寐而鷄聲嗥嗥東方白矣僕輩張弓矢  
脩火器露坐篷上良苦又微雨濛濛天氣雖  
寒幸不至如北方之栗烈也王聖玉惠海味  
極佳

二十九日雨中舟行無緯道少遲漸至防風之

嶺國江隘山出夜未得眠倦甚抵寓則燕翼年

見已在寓中坐譚頃卽入署共坐西堂觀仲

常可績共奕昔毛澤民于東堂作驀山溪者

想在對宇耶已命酒觀梨園演霍博陸衛驃

騎故事

除目仲常來與可績奕決雌雄仲常棋品舊在

二可績上今可績每局皆勝仲常亦不自解午

間命僕煮藥酒烹李子常所饋松江之鱸余

與公緩奕賭酒余之奕舊在公緩下朕公緩

每局皆負卽余亦不自解也因思此時若在

家鄉人事酬酢之繁歲暮追呼之苦倘設一

妄想與二三同人遨遊西湖吳山歲杪至一



萬山僻邑中燒燈度歲賭酒傳柑必以爲人  
生不可易得之事今身處其境而反視爲困  
狀或者且謂旅邸天涯艸艸改歲尚有惆悵  
懷土者亦人情也殊不思白駒過隙刻刻改  
歲刻刻新年時時紅顏時時白髮自其電光  
石火而觀之則懸弧墮地以來便朝朝爆竹  
桃符暮暮笙歌鮑老而長繩難繫魯戈不反  
積之又積而歲一朝去矣矣陰宐惜老至無  
期固不在除夕元旦也若以除夕元旦論則

昨日脫鞋今朝盥面暮鼓晨鐘一切如故所  
謂新舊年頭當在何處耶余自奉諱以來遂  
悟得臘月三十公案夫事未有大干尊親大  
故者到易簣彌留除卻茫茫狀無計更有何法  
可施雖含歛衣衾不過是無法之法非真有  
法也除夜亥盡子初得無類是耶學人若不  
被亥子轉雖平時戒懼功深不過意事不敢  
妄爲若不能淘盡習氣時見天心來去了不  
能自知回頭尚茫無畔岸此事艸艸始爲可

惜耳

戊午正月初一日小雪夜眠少遲起拜天地畢  
登樓與念東先生作元旦詩

賭酒傳柑失曉鐘淡雲已覺日矍矍平添歸典鱸  
魚外細聽民情爆竹中久客尚畱歌歲暮乍晴微  
雪驗年豐片帆明日東風便定免推窓雨打蓬

念東先生詩晏起何勞問曙鐘瑤華微視日矍矍  
禁持栢酒輕寒後粧點梅花小雪中棋似謝安常  
苦劣饜如羊曼雅能豐明朝東郭扁舟去借取春

志壑堂文集

卷下

七

風滿釣篷

又往年鳳闕憶朝正殿上傳宣玉腕輕自是雪鴻  
踪跡幻題詩今在武康城

初二日過烏廻寺看竹竹小于雲栖遠甚朕自  
出武林客途戒嚴閉艙兩夜未得上岸一步  
既至武康又小小酬酢今調舟已到卽行矣  
使非巖壑松杉之間稍一策杖不幾與西溪

梅花同畱遺恨耶歸寓卽登舟

念東先生詩又下扁舟到武康貪程殊覺夜茫茫

邑如村落巖山好座盡親知笑語香作客對梅緣  
不偶臨行看竹典尤長此間遊賞空春夏呼起休  
文仔細商  
又浪賦魚鱗皺綠漪順流不厭去遲遲微風晴日  
輕帆挂自在關心點鼓時

初三日辨明舟指湖州出雪溪卽餘不蒼溪之  
下流灌入太湖者也清倍他水夾岸柔桑遍  
山松杉植桑擁土鬆肥冬月猶糞之以故湖  
綿甲于天下大率樹老則伐枝繁則刈樹幹

志壑堂文集

卷下

十六

盤屈如老梅古檜狀夫農桑生民之大命而  
地利不修動怨天時可乎吾邑素稱上農朕  
巨室地大而荒其滅裂報余殆不可言其糞  
多力勤者惟茆簷細民耳巨室旣不能躬耕  
又爲臧獲所悞稅增穀賤譬彼舟流不知所  
屈如湖州之桑豈不足爲四海師哉晚泊球  
頭港沽烏程酒漬以楊靜調所餽鹿膠甚佳  
念東先生詩歸舫何當阻石尤呶啞竄日竟遲留  
天微陰後春寒劇酒遍嘗來各地優佳景倘逢須

跨馬前途難宿早停舟危橋曳屐從容去爲與田  
夏語淨修

又溪山到此倍多情况復千岩萬壑爭舟緩未如  
棋局快帆高偏挂夕陽明雲添寒日沉山勢風帶  
驚潮過海聲莫問今宵何處宿已將新酒貫烏程  
又新月如鈞已有情黃昏簫鼓大堤行衡山湘水  
扁舟慣纔在鉦聲便析聲

又龍尾猩毫奚以爲黃庭逸少始相空莫嫌瓦研  
鷄毛筆雅稱江湖湯典詩

志壑堂文集

卷下

十五

初四日舟行晏起已二十里外水光熠熠漾窓  
上推窓一望舟在山中平沙清淺松竹蒙茸  
候念東先生舟不至開步長堤危橋上歷歷  
行人無波濤之懼而有風日之美此舟行第  
一樂也已而風利復行作八絕句

風便揚帆罷纜行鹿膠酒困夢初醒船頭叉手長  
年喜山轉晴沙簫鼓聲

彎弓夜坐暗銷魂來日圍爐雨打門此去攤書添  
畫角撓歌聲斷看山村

人自蘇杭下路過盛稱舟便水無波刃溝十日溝  
中坐不及湖州山水多吳興與興興東魏坐對蕭人  
獵獵諸峯松檜長危橋何處隔紅牆乘風直至吳  
興好自古烏程是酒鄉  
久候來船駐淺灘石魚火颺罷晨餐前艙吹徹梅  
花弄莫當關山行路難  
一片雲帆來舫遲道場山下水漣漪菰城指點征  
途近西塔崔巍東塔低  
新節歸寧婦女多輕舸雙槳去如梭隔窓借問不  
相顧定有樵青張志和  
竹院牆高戶晝扁殘碑句讀斷苔青鄉人拱手南  
山去指與漕檣浮玉亭

志壑堂文集

卷下

二十

是日至湖州喚舟一葉入南門出東郭風便卽  
入行亦南遊以來第一風也又成三絕句

茗水西流下太湖盤陀山腳樹模糊閒亭添箇人

扶杖承旨家藏松雪圖

垂天巨艦翼蓬蓬水轉吳興帆轉東騎坐憺龍人

不識披襟錯認大王風

蠶姑田祖祭無祠東藁燻天亞竹枝江國新春傳  
故事紅燈雙照夾靈旗尋常開手華聖車風雨  
初五日由舊館早行三十里至南潯又十二里  
至震澤乘馬堤上六里至雙楊橋候舟問土  
無料入云此去太湖可十里耳已入江南界矣至  
舟經梅堰亦停橈何事軍容旗幟高一歲田蝗關  
祭賽天家鹵簿接天曹尋常各處來去  
荷花時節夜遊燈幾日秋湖唱采菱重見吳江烟  
樹裏長竿船載打魚鳶

志望堂文集

卷下

二十一

鎖鎖橋南野泊船山村圍看各茫狀偶來走馬蓮  
塘上也復喧呼巷市塵

夜雨蕭蕭不揭篷舊年宿處記矇矓孟婆作戲殊  
無味平望來回俱逆風十里耳已入江南界矣

篙師鷄首拜拋符不惜金錢奠一壺好祝封姨春

事近花旛招展送姑蘿三里至南潯又十二里

繫纜漁村日未斜相尋唐舉問年華堅車肥馬渾

閒事看跼芒鞋也到家天亞竹枝江國新春傳

船上勤看燕尾幢爲催花信攜銀缸斜溪慮有東  
風到放下南窓開北窓

江南風俗鬧新年銀杏獻堆不闌錢遶殿香花翻  
貝葉隔溪彩袖打鞦韆

臘盡春來未見水綠波暫解掠魚罾人情江北渾  
無異晴日長街戲跳繩

少年不醉酒家胡長袖褒衣學魯儒歡笑閉門三  
五葷閉翻六齒擲官圖

是日宿平望以風逆泊舟太早閉行市上總不

志壑堂文集

卷下

三

見有飲酒賭博者此風俗之美也柳燦東云  
此地賭者十家連坐故爾信如是何不行之

江北哉來日自姑蘇風快甚至平望苦風今

無異自湖州來風利甚至平望又苦風此何說也

念東先生詩陡覺春寒遊子驚重裘抖擻賦蒙戎

故鄉猶恨如天外好月何煩到客中酒只伴書難

得醉歌原陶興不求工五更須識醒來早細審蓬

窓順逆風

又每憶河橋酒慢青孤村絲竹正堪聽歌臺度曲

憑高下遊客開樽半醉醒已覺春秋人老大轉驚  
湖海跡飄零何時夜合濃香裏微雨蕭疎話未停

初六日早行風逆甚晨飯時未至吳江因思兩  
過平望皆逆風者由從順風中來也平望水  
廻路轉逢順則逆耳若逢逆豈不順哉柳燦  
東又云紹興何太守嚴禁婦女入廟者爲連  
三枷一遊女之丈夫一地方一本廟住持以  
故遊廟之風遂絕此皆可著之政譜永爲吏  
式者也附記之李石書舟泊周公季侯忠烈

坊邊舊約乍遇移樽相過已而涇陽張稚恭  
來高念東先生同年個儻人也辭別解維連  
舟而進抵姑蘇已更深取子劉子讀之卓然  
理學大儒也夫儒者之書若論事物則千言  
不了若論工夫除克己之外更有何事第格  
物須至物格方能鳶飛魚躍與天爲徒耳劉  
子好言工夫不言本體良是良是聖人之教

大率多言工夫也聖人于世關痛關癢者此  
心是天地之心而有時云疏水浮雲此是何



等景象請一反觀看他炁天炁地否此處與  
二氏是同是別幸勿妄譚 孔子見老子進  
而悚狀起敬退而瞿狀自失是何等禮貌後  
人曉曉徒增夢語耳西方聖人之言不知有  
據否朕孔子云三人我師此等虛懷若見瞿  
曇必生驚異必不至云不爭此事則此舉無  
名也如謂二氏之後流傳衰薄誠可浩嘆但  
今日讀聖賢書其間戕伐民命者豈止楊墨  
哉遂以歸咎洙泗恐曾閔之徒亦不受也而  
謂申韓李斯原本子夏又錯中之錯矣

志壑堂文集

卷下

三四

初七日泊閭門別閱某公書曰人豈有喜怒哀  
樂未發之時又曰意者心之存如此則此公  
清明在躬之日得無少乎尚不知未發何能  
知發仍未發乎若其講下學工夫改過遷善  
處固是賢者之言

念東先生詩官塘小住復行行舟泊金閭喜月生  
棋局總收知夜久酒盃初把又詩成鵲枝搖月宿  
無夢鼉鼓臨江倍有情喚客東風催蠟屐梅花香

又客中偏覺換年華兩越三齊路更賒未到先成  
烟雨賦將歸或看洞庭花盃纔入口偏懷土火已  
烘衾似到家只是五更殘夢醒曙窓便覺是天涯  
初八日入閩門買書見市肆所製各種燈畢竟  
與杭州不同杭州之歲殆如無歲者狀矣晚  
移舟閩門北在石書舟上聽歌未免有微霜  
度河之感也

初九日自題小像赴吳瑤如同年酌座中晤尤

志壑堂文集

卷下

三五

司李展成遣人問宋孝廉旣庭則佞慕未歸  
也

初十日展成爲題小像至張稚恭邀遊支硎山  
以日暮不至楓橋而返過西園寺遶寺曲溪  
可以泛舟直至松林小阜之下遊人雜沓亦  
勝地也在酒舫中作滿江紅詞志北歸之意  
歸舟錢進士官聲至

十一日買書訖卽解舟書佑顧生云毛子晉十

七史板以逋賦故質之故糧道盧澹巖得四

千金已而盧公負官庫將還之子晉無以償  
願也乃再質之席氏席洞庭巨室也以史板故  
尋募分一子住常熟又出多金購此史之已售者  
余所買一部百六十本乃故相王文恪家物  
其主人不肯售之席氏故存也再和前詞寄  
稚恭李侍御雲襄來晤泊虎丘小窠起入寺  
則厭燈時矣扣書肆買虎丘志坐于石上  
呼茶獨飲明月東上樹影扶踈遊人斷絕惟  
劔池巉削壁立已而主僧來送茶與譚西來  
志壑堂文集 卷下  
大意俄一人負手悄步至竊聽則恭壽也已  
而李子常高聖與繼至因取舟中藥酒共飲  
再貫寺門琥珀光飲之俄又一人悄步至則  
主僧之客餘姚周生也酒罷步月歸再飲于  
常舟中乃寢

列座白蓮池近東酒闌月上樹朦朧老僧指與真

娘墓茶肆朱欄燈影中

風俗虎丘賽月圓一聲白雪萬人傳瞿曇卻喜張

春宴絲竹清歌寶座前

十二日早發過澚墅關風利便行暮泊無錫乘  
小舟同看慧山泉至山門南行轉西過池橋  
老樹欹倚遠大雄殿後度溪雲閣更南則巋  
狀一亭覆第二泉也酌泉飲之味輕甘而不  
冽令舟人抱甕以歸憶十年前嘗中冷泉此  
爲勝之與寺僧扣秦園園丁欣欣挑燈引逕  
入門一壁北折老樹怪石循逕而南再轉巨  
湖洋溢一板橋曲檻宛轉而通榜曰嘉樹堂  
未至堂聞鳴泉淙淙有聲以導者旁引不得

過出堂而東爲亭臺者十數無徑不折無院  
不山無石不樹無座不幽無欄不可憑俯或  
隱或現離合于水橋之東北將盡處一小閣  
架石崖上有二生對燭共飲人之好夜遊孰  
不如客哉覓原逕仍至嘉樹堂尋水聲鳴處  
澗曲山迴屐響泉應窈窕而躋其顛泉鳴竹  
外樹出雲中循山趾過石閣至一軒前有方  
塘塘北怪石蹲伏芳樹盤屈則抵所由來小  
扉也此園水踞其勝斜梁中分之亭館矗

于東北澗壑臨其西南老樹皆數百年物而  
鳴泉一派來自慧山則非人工之所能及余  
曰此第二泉邊第一園也念東先生曰可足  
成之遂作絕句念惠泉酒名天下可不飲乎  
山僧與僕扣酒館呼燈張具酒冲美而館閒  
曠耳畔但聞邪許聲如佛號則伐木修船之  
役入夜未休也出酒館有關元宵者燈盞高  
張燈毬滾地燈魚燈鱗擁去如風鉦鼓競作  
方至山門突聞毆打號呼之聲燈一時都滅  
人亦星散怪問之則拽木者聞燈而來督工  
之役慮悞公事故一時擊敗之耳江鄉之怵  
如此而我輩逍遙卜夜此福恐未易勝也

嘉樹堂前月拍門活流瀲瀲漱山根江南蹋遍亭  
臺好第二泉邊第一園

十三日再宿毘陵入城訪董侍御雲知別墅額  
曰有泉啓扉青翠滿目折而西北畫棟丹楹  
孤峯絕壑竹樹成林一紅橋自澗澗蜿蜒度  
石閣而東閣下朱魚鱗鱗閣爲雲知著書處

西爲微泉堂東廊曼折倚檻多種梅花蔕蕾  
燦爛臘梅一株開正盛濃香撲座南爲月戶  
堂前杜鵑二種蒲萄一棚高蔭屋瓦雲知云  
樹皆手植山皆手成大率拔地倚天每段如  
讀柳柳州小記欵寄出人意表也出城沿街  
觀魚龍之戲

十四日許侍御青嶼與王陸二學博見招皆念  
東先生門下士也別去遊楊園堂有龔尚書  
芝麓題得閒小憩四字園較秦園益大山益  
高水益廣橋亭竹樹益盛狀山高而近怪水  
廣而不鳴十分人工不及一分天趣所以得  
於天者爲難也若空曠浩渺無曲折之勞而  
極湖海之致以較秦園自當北面事之夜作  
一詩呼燭書扇別董雲知

寒梅倚檻照泉香握手窺園旅興長絕澗朱橋來  
宛轉別峯碧樹出琳瑯吟詩太若能無瘦對酒當  
歌不謂狂聞道相如頻病渴氤氳跌坐亦竒方

十五日早發過三里菴爲入茅山之路舟不能

停已過奔牛鎖矣晚宿丹陽南門觀關帝廟  
燈屏甚雅入城看龍燈小飲茶肆歸舟與公  
綬聖輿燦斗再飲始寢

念東先生詩張帆頓覺意蕭然又喜閒身遠市廛  
一百日災紅酒地三千里畫綠楊天志和高致存  
裝笠陶岷多情寄管絃適意江湖無不可但能淡  
蕩是神仙

又舟停預作放舟詩不意天涯如許時來日正逢  
鴻作客前途行看柳爲絲江湖放浪詩千首村墅

志壑堂文集

卷下

三

遲留酒一卮歸去花朝好風日東池鳴綠已差差  
又處處疎籬挂網羅買魚沽酒夜長歌黃昏鼓吹  
喧闐起知有官船泊裏河

又北斗闌干帶絳河輕風遠送榜人歌不知僮僕  
懷歸否船尾殘燈絮語多

十六日晏起聞橈桅抵牾聲推窓觀之河流纔

一綫耳白漕田空新運咸集於此冬則築壩

春則挑淺誠爲天倉之咽喉也狀以今日事

理論之尚不足以當扼隘而時勢漸積且似

迂濶而遠於物情之事夫大農籌策議捐省  
殆無遺算豈非欲無損于京通之度支而又  
足以濟軍需乎卽今漕糧不敢全折豈非以  
土食重大而官軍祿糧不可缺乎卽黃淮築濬  
耗費不貲豈非以白漕必經之地河工一刻  
不可緩乎朕京倉老米船底泄爛之物官民  
豈不嘗厭苦之乎北地小米小麥高粱豆粥  
之食官民豈不皆饜飮之乎南糧每船裝七  
八百石豈非白糧行月五百金漕糧行月三

百金脚費如此之多乎北地粟米每石銀二  
錢而無售者豈非穀賤傷農至此極乎若以  
食粟米而論豈非七八百石乃止值銀一百  
五六十金而用三百金之腳費乎北粟亦嘗  
折矣每石折銀八錢殆四石而納一石豈非  
天旣困之于上人又困之于下乎除白糧關  
上用不敢輕議外若以南糧腳費糴北地之  
粟豈非三百金而僅運七百石者遂以三百  
金而糴一千四百石乎南糧全折每石不



必一兩二錢卽以時價之重者計之豈非又得七白金而天倉度支且有大利而無毫損乎若行銅鈔小議以之糴北粟納南糧永行而不變豈非宋元之古制而每船三百金之腳費又存以濟軍需乎若謂軍國大計當爲經久之謀亦何妨暫一行之待北粟貴而漕如故乎且黃河工程不可少緩須臾不至議借于民間乎且北粟之賤如此此時不當厚積文爲三年九年之計乎失此不講乃偶

爾有所需天倉遂無可恃乎以其近而賤者加倍取之而棄粟而用銀以其遠且貴者增腳取之而棄銀而用粟而謂江淮一綫謂之扼要乎抑爲迂濶而遠于事情乎國計民生總在於司計者一念之轉同事者一念之任耳未有熟計于廟堂之上而不舉國豁朕者也是日晚舟行不至京口爲水牌糧船擁擠崎嶇波瀾間候潮上而後行至四鼓始至鎮

計七日潮土移舟至江口舟擁不得行俄有夜  
不收工役驅逐橫舟乃得前詢爲何人乃知  
係商船賄致兵卒名爲吾等前驅而實則彼  
得利濟亦狡獪可喜也失事率其序亦復何  
所爭乎乃有一種貪競之徒躍冶攬越于是  
來者往者皆爲所梗此紛囂所由起也或方  
且耻之或且大喜過望類如斯矣

念東先生詩燈火燒天夜未休于梳惆悵滯江頭  
要津先據若休倦捷足相蹂我亦愁辣手不妨先

志壑堂文集

卷下

擊汰庸奴猶自憚移舟云同糠粃何相辱榜首居  
狀第一流

又從來庸論沮英才智勇窮時舟懶開韓白爭途  
前陣勇鼓鉦動地後車來過江早計先群彥擊楫  
中流酌百盃笑向妙高臺上望幾人隔岸尚徘徊  
又北固江光晚始奇酒盃擲卻尚嫌遲也知歌舞  
華筵好悞卻看山夕照時

又萬口歡呼潮已生翩翩乍覺片帆輕陽侯已借  
停橈力舟子休辭擊汰行明日高登浮玉頂幾人

悞住呂蒙城猶慙漏下銅龍後辛苦江干候吏迎  
又孟婆何事妬歸橈如線江流望已消官訪久輪  
漁舫快陣軍能制運軍驕千馭巡岸鳴宵柝朔望  
應期候晚潮再拜陽侯須努力一帆爲我送金焦

十八日早起與公綬登金山酌中冷泉與鐵舟  
禪師茶話次因及初祖以來雖開教外別傳  
之旨狀而有師無祖有禪無定不止承虛接  
響者得而假竊卽今之授記開堂者與諸經  
圓通堅固之果位是同乎別乎真參實悟纔

志壑堂文集

卷下

三十四

得入門猥以初學認作究竟動云行住坐臥  
常在定中亦須是人方稱是語耳聞郭璞墓  
有僧結茅獨住往一觀之亦修行人也歸以  
舟便卽決計渡江另乘小舟至甘露寺將過  
焦山慮晚渡風濤不果往再經金山繞瓜步  
而北至頭關又乘小舟附磨鏡舟中至泊處  
宿焉

十九日至維揚寓法雲寺謝東山舊宅也

二十日往遊紅橋下小園以雨卽間然園內紅

梅已開三分亭榭位置亦畧見一斑矣大約如尺幅便面中韋偃郭熙輕描數筆也歸夜飲觀演衣裏珠

二十一日荅拜汪主政蛟門座中晤喬主政石林譚治河媿媿如指掌目今黃淮一線所費帑藏無算而底績維艱是安得生于其鄉而洞悉濬築之宏者出爲國家告成功哉所言牢塞決口堅築堤岸自得以水治水之効誠爲至當不易之論雖謂潘公季馴之策在賈

志壑堂文集

卷下

三五

讓三篇之上可也拜張將軍振宇適秦中丞瑞寰在座別廿年矣兩僕樞扶不能爲禮回憶昔時宴集葛袍章帶短小精悍曾幾時哉畱座聽演壽爲先劇差壯人遲暮之懷振宇公子和藹嫻習可喜是能世其家者也張將軍初在癸卯之冬相遇于蕪湖舟次卽訂交恍爽如故今杜門習靜而聲華不減昔時年已七十矣鬚鬢黑步履飲啖健如中年人抑

亦跛跏之力歟

二十二日聞王蓼航夫子尚在客邸未發往聆  
則將行矣茶次言中州繆大參正心事且云  
范少參端臣內陞又作古人可奈何因作口  
號是日汪蛟門座上文酒清譚一洗鉦鼓喧  
闐之陋譚及二氏同異朱陸毫釐亦佳會也  
汪爲余題小像詩甚警動見贈梧桐閣集錦  
瑟詞清真淹雅當推詩賢好手矣  
不爲休官戀薜蘿他人莫覆淚滄沱河南一樣督  
糧道緹騎賢如鬼伯多

志壑堂文集

卷下

三十六

題汪蛟門百尺梧桐閣圖詩

平山堂下紅橋路重

來猶識扁舟渡烟水南詢憶昔時名園北郭紛無  
數汪舍人詞華久百尺高梧千斛酒錦瑟雙鬟一  
發聲練裙斐几墨如斗紫微省响屨書神仙自古  
愛樓居我家竹樹千崑裏春到梅花定不如

二十三日擬早起出郭一了平山之願而夜雨

晨陰會不果往將與西溪梅花支砌元墓同

結再來緣矣吳宗伯贛菴令弟來

言陳九圭預避鎮江移家

徽州值亂兵卒搜之陳獨處一室北隣皆  
被兵獨無恙也本寺旭曇上人年七十溥通  
釋典詩甚佳又言蓮池大師出家得其室湯  
夫人之力居多俟考本傳

念東先生詩已轉長江棹維揚又小雷瓊花空吊  
古琳宇更尋幽下榻依前哲開樽得勝流紅橋還  
悵望未上竹西樓

又安揣陰晴晴似遲雨聲向曉易行期欠他僧舍  
三盃酒添我行囊幾首詩

志壑堂文集

卷下

三七

二十四日張振宇招飲演醉鄉侯傳奇糟丘快  
事真令人解頰也至其寢齋見羽冠衲服種  
種皆具跣坐之龕魚版在側云斷慾七年矣  
鬚修修反黑齒落復生或者有獨得之秘歟  
細叩所傳大約由呼吸始惟一吸稍收臍輪  
耳

念東先生詩歸心久在塞鴻先自笑邗江帆又延  
向蔓艸中諭將相于繁華處覓神仙醫陳劫換殘  
陽外吳楚天空釣艇前撥盡閑愁輸蕩子奇章書

又粥魚梵唄共朝昏客邸蕭條且快論酒盡自應  
尋李觀詩成端要畏桓温溪山似許人攜杖風雨  
如催客閉門莫向吳公臺下去笙歌重到亦消魂  
又浮雲冉冉六朝過喚醒還憑春夢婆悞作咽喉  
南北重遂令戰伐古今多流螢萬點銷殘夜烽火  
千秋送逝波天下更無可意事借將禪版送狂歌

二十五日以雨雪不能啓行束裝以待蛟門來  
別雖山門外亦不能至也與念東先生奕罷

志壑堂文集

卷下

三八

歸請旭曇茶話舉公案數則有解有不解狀

二所陳史閣部道隣與故鎮高傑遺事甚悉

二十六日雪少止出城至茱萸灣宿焉寓不容

足有先至者欲移去余不可遷至隣家已而

問之亦已有客同過酒肆暢飲對奕幾二鼓

矣

念東先生詩雲水南詢道路紆遙通瓢笠轉江湖

臨行更向君平問可許重來訪道無

又泮水東遊事已非錦帆殘日已霏微柳絲又作

春來絮枯骨雷塘何日歸  
又蕭蕭風雨戰長廊后土祠存跡已荒漫向蕃釐  
重吊古瓊花零落久無香  
又青城仙子酒人歡花月雜揚復大觀聞道仙真  
多市隱藥廬酒舍試尋看  
又一望扁舟路不遙卻愁沙淺任蘭橈長堤乍醒  
籃輿夢酒幔青依揚子橋

二十七日黎明啓行飯邵伯湖至伍越潭決口  
須舟乃過道泥濘跋涉已苦加以負載駝輜

志壑堂文集

卷下

三九

之重繩垣而後下汲綆而後上五尺之屋不  
殊太行孟門矣兩渡將暮乃至露筋祠宿焉

主人解文字作一詩志之

伍越潭南風雪殊露筋祠下旅魂蘇流亡難狀鴻  
棲渚稅販何堪豕負塗行不得歌泥滑滑須何時  
樂在烏鳥老年胃溼諸情減銷夜稀蒼倒一壺

二十八日午至高郵以清水潭決口須風便乃

渡卽渡慮無宿處遂歇南郭

蕭森不障夜來風茆舍無牆覆破蓬傲倖主人情



意好黎明向火拆魚籠

江水浸滯獸炭多檀牀亦任注清波今朝水府波  
臣怒水滾桑田奈爾何

河工日費水衡錢何事饑民去市廛津貼漫勞動  
異省好興大役救荒年

辱子泥塗嘆折磨一回晴放又高歌不知災戶蘆  
蓬底敗絮霜風對若何

二十九日發秦郵廿五里至清水潭決口飯廟  
中僧人具茗果火爐少飲至官渡稿以酒資

志壑堂文集

卷下

四

凡三渡而后畢濟決口寬于伍越潭遠甚朕  
二雨霽道乾且事已經者不畏譬讀盤庚之後  
繼以二典楞伽之後繼以楞嚴直可十行俱  
下矣凡人畏途歷過皆能益人神智勿輒生  
異言煩惱也宿界首驛

霜天漁艇露丘墟清水潭連甃社湖桃宿刈蒿愁  
辦稅秦郵彌望並蒿無

鷓鴣飛亂夕陽紅水滿天空人亦空菜煮蝦鬚和  
稻粥屋牽魚網壓霜風

二月初一日午至寶應憶癸卯之夏泊舟暑甚  
蚊陣如雷渡河至一寺名準提社納涼寺僧  
殷勤具盥浴俄而諸生探望稍前致詞邀入  
文社共飲簫笛間作月上方歸俱未道姓字  
爲南行快事乃今匆匆不得一過其地爲恨  
也偶得句俟異時贈孫樹百是日晚宿平河  
橋途中見扛舟者不減八金剛之扛佛座也  
已交二月不知漕船何以爲計得過淮無滯  
耶詢之土人云歲須大挑當事者題請名募

不起夫於里甲信斯言也淮民有甦生之望  
矣居官不當如是耶是舉也所謂一舉而三  
善備也救飢民一也免攤派二也竣河工三  
也惟在司支者實給現在則國事民生交賴  
之矣又云河夫利挑高家堰以其爲長工少  
緩也大約黃家嘴決則水入海高家堰決則  
水入湖清水潭決則高寶之民其爲魚矣又  
聞之淮揚人云鳳陽故陵北有分水塔七所  
以殺水勢者自劉澤清拆造府第其制久廢

兩縣之人爭之有議復者則以培故陵爲詞  
猶海門久湮有議復者則忌者以通海爲詞  
雖當道亦噤口不言而况其他乎此治河之  
大關也

蕭蕭舴艋火雲隈憶昔諸賢文社開扁豆花繁歌  
笛發葡萄葉暗羽觴催山川如故鶴難認指爪無  
踪鴻再來焉得河陽賢地主甘棠樹下酒盈杯

念東先生詩絲竹華堂事已空猶留姓字向禪宮  
薔薇洞古花香盡漱灑重湖文借公

志壑堂文集

卷下

四十二

初二日早至淮安見旅壁勸善箋詞婉而摯詢  
之則庠士熊君勉菴也入城遇張別駕友舟  
組纒于途曰熊生胡孝廉可折簡而致孝廉名從  
簡終中字天仿念東先生久聞其與吳江楊道人  
爲友道入靜功有驗故亟圖一晤也熊胡旣  
至開樽酒數行而別熊生以勸善全書相贈  
念東先生詩漸近花朝煖漸淡清江浦口駐征輪  
登樓忽憶前來伴對酒方知見在身旅舍春聯吾  
上似江津歌社客懷新山陽笛裏思今古無恙同

行尚幾不早爲三真樹卷長髮而西言玉峯中戲  
又黃河何事一時乾寸步平流鷁首前眼看桑田  
已到汝莫誇往由勢不天正叱史河難精酒十餘  
又初三日早行出關渡河河澗如帶一騎驚逸驅  
上舟不得則驍騰已過矣招格舟子知有所  
外言矢中流思古人詠虎詩有君看皮寢處無復  
晴閃鑠之句黃河之瀾天臣浪駭目驚心者  
安在哉是日宿王家營

鄉心未免憶煙蘿半載江湖厭棹歌遊倦招魂還  
志壑堂文集 卷下 四三

角里水乾放膽下黃河書囊亂捲疑商賈襖被橫  
挑似索駝微倖入門官稅畢新篳好與醉顏配

又遊子今朝已渡河投鞭真欲斲春波難忘水國  
松篁好畢竟中原天地多鳥語慣聞通譯使蛟人  
常怪隱漁蓑漕艘不至新挑急未審波臣意若何  
又故園春半數歸期簷鵲蛛絲知不知雨雪荒臺

漂母廟烏鴉老樹露劬祠五加皮酒難謀醉十樣  
鸞箋且賦詩自是尋常垂釣客淮陰市井漫相疑

初四日早飯三窠樹穿長髮而西行泥淖中過



黃家嘴卽總河羅中丞起隣省津貼之夫所  
築也輿中觀熊生所著勸善書真是呂叔簡  
袁了凡後身可以爲人師矣無意中得此佳  
士與念東先生相嘆異者久之至其所作甘  
撫張公傳又是古文詞好手買匱而得珠可  
喜也宿中輿集

摩娑雙眼醉初醒乍見湖消麥隴青縮地名園終  
偈窄浮家高士太飄零奇逢南鎮兼靈隱薄倖西  
谿與洞庭惟有慧泉隣隔水思灑灑耐人聽

志壑堂文集

卷下

四十四

初五日雞鳴卽行早飯古城村落中道左有碑  
載故司空潘公季馴治河事甚詳大約以淮  
治淮以河治河以河淮治海舊建亭曰順治  
今其亭不存兩渡黃河視前渡處水較大晚  
至宿遷

初六日早行至小店食粥午至峒崕再從念東  
先生過三仙洞讀碑文此地舊名龍泉菴延  
祐年間卽有潛龍出世之語不知便是此蛇  
伏處石間歷有年所耶抑非耶晚宿紅花埠

初七日早飯重興集午飯鄰城十里館微雨漸  
作風淅淅有聲飛入興窓衣半溼逆風斜雨  
自門隙入以王綏山所贈皮枕承之凡十傾  
而後至李家莊宿焉記去歲過此地遇雨至  
紅花埠阻一日今至此又雨興中無所置思  
恍然有悟成二絕句俟他日再來畱題三仙  
洞上誠不能自釋其荒倉也三仙相傳一螭  
一蝦蟆一蛇今止見蛇

龍泉菴溼易生蛇石罅窠溪卵出花便見三仙君

志壑堂文集 卷下 罕五

莫怪水邊產螭長蝦蟆

又羽士修真解護生當年對客說龍精相傳蛇子

蛇孫輩慣看遊人總不驚

又二豈是周髀數易窟天公作戲偶雷同紅花埠

宿偏逢雨平望村來每阻風

又臥輿杜戶仰穹窿擁絮渾如一葉同長路迤邐

聲軋軋錯疑雙櫓五湖中

初八日早飯後行午至沂州居人誦驛傳道丹

公圖南招撫流亡彈壓防丁嘖嘖有聲至鴛

庄與念東先生作書致丹公陳勸輸贖罪二  
說活被水之民且謂兵驕民苦宐不憚善後  
之慮以語來者此公固可與言正不知有當  
否耳嘗謂救荒無奇策非無策也荒至而後  
救之遂無策耳當歲豐時不早爲三年九年  
之計饑饉旣至雖管晏寧有策乎而况當軍  
需孔亟之時乎狀此猶其小者也目今黃河  
挑淺漕船二月已不過淮有如河臣奏績水  
伯效靈糧艘啣尾而下固無足慮萬一築濬

之餘桃花浪湧天倉不宐長慮乎卽今河決  
無常軍務孔亟當河北穀賤之時不宐早爲  
積貯乎裕之不早有如倉卒辦納爲現年之  
計東南之漕一夫運四十石而民猶稱苦若  
非招商糴買則河北一夫止能運二石民何  
不堪乎杞人之憂如此有心世道者或有同  
心也

初九日以連日雨雪長途輿馬瘡瘁止行七十  
里至青駝寺宿焉得詩三首



纔近瑯琊便有情，非關林壑舊曾行。沿村吹角牛羊下，向曉聞雞桑柘鳴。河北人情原樸畧，山東地界故寬平。休勞更問般陽好，但道何溪水不清。

又  
已近柴門兩日餘，征鴻勿復更傳書。羊羔醉壓蘭陵酒，麥飯晨拋石首魚。車盪陸舟帆不挂，馬開籠鳥翅全舒。吳儂但解江南好，泛泛鳧鷖奈索居。  
初十日辰爨塚庄陰雲不雨午至界牌計至故園僅三百餘里矣晚宿蒙陰城在山中縣廨

如掌大，狀東郭外店宇修潔，爲長路所無。祇

志壑堂文集

卷下

四七

覺與江鄉泊舟處，頓有仙凡喧宋之殊。豈阿其所好乎？

泉清山轉水潏洄，笑指吾廬三逕開。煤比帝城通夜火，酒分仙府隔年醅。梅花盼望今春艷，竹樹淒愁昨雪摧。俱道客歸經五月，祇疑人夢武林回。

又  
梓潼山下有茆廬，萬里歸心已倦歟。手自種花兼釀酒，日先趺坐後觀書。麥收使越裝難並，稅畢通侯貴不如。封戶蝸牛聊自好，藥爐丹滿舊痾除。  
念東先生詩榮途豈不勝沉淪正恐榮途多苦辛

但少憂虞真是福粗能溫飽莫嫌貧平生不作飛揚夢骨相原非富貴人我欲箋天天肯否太平烟月穩垂綸

又那有王家錦障泥驕驢雅意主人知徘徊不飲臨流久似愛清溪住許時

最難適口是江鄉七箸時時棄案旁纔近鄉園堪一飽餽饌味勝大官羊

又泥途長日倦驂駢矯翼長空羨鳥飛只怪大山壘地絡未能千里畫船歸

志壑堂文集

卷下

四八

又汶水湯湯津渡迷官途今在穆陵西不須更憶扁舟好如笑春山待馬蹄

十一日辨明行至敖陽飯後登山卽今之所謂青雲山也壁立衆峯間空青獨異騎馬直至山門憶癸卯常至山顛見施愚山題句今不存矣山色酷似濟南鵲華論畫法則海嶽外史筆意也念東先生云與嶧山相似余未見嶧山而先見此得無老兵貌似中郎尚有典刑耶晚行巒岫陂陀中老木寒泉蒼茫可愛

宿蒙陰寨亦山村也

大小諸峯都讓渠爲愁滴翠溼衣裾三山海外分

蓬島五嶽圖中近岱輿小樣濟南華不注大端古

北醫無閭青蓮醉後休來釣得意顛仙親手書人

訛云山

形似鼈念東先生詩重裘得計耐晨風遠夢纔停意尚慵

殘雪未銷峯頂白初霞已上海東紅天垂廣漠穹

窿外人在蒼茫顛氣中早遣蒼頭前覓酒吟鞭儘

可暫從容

十心壑堂文集

卷下

四九

十二日早行入萊蕪縣界官泉老樹山高水清

策馬村落沙淨無泥風日晴和可悅狀南下

饑民沿路晝則乞食夜則宿廟顛連之狀殆

不堪言司民牧者空何如耶早閭莊午徐家

店是日晚宿和莊門外雙峯宛如舊識所謂

忽驚鄉樹出漸識路人多也

吟鞭打點和柴扉日說當歸今果歸青石關高通

鳥道蒼龍峽轉抱漁磯護泉禁樹依山老行雨勞

去貼水飛昨夜燈花應有兆休嫌春仲雁來稀

水清春田春艸稀出門痛哭欲何依燃燈古廟難  
投宿托鉢荒村不諱饑老婦蓬頭雙繭足小兒淚  
眼獨牽衣催科吏怒雖如虎可禁人同旅雁飛

十三日早過青石關凍解石滑易輿而步改步  
而馬突峯淨壁哈呀峻削如堦人介胄逢迎  
馬首屈指數月所見惟靈隱一峯或堪伯仲  
耳將至顏神鎮石泉瀟湧沙明波綠世間所  
謂地肺仙區不知何似但中冷慧山畢竟平  
心而論直作江南第一井第二井則可若以

井爲泉是以鹿爲馬實難矯誣或者泉過江  
而爲井如橘逾淮而爲枳乎使陸羽張又新  
得見濟南之金線百脈青州之孝水雹泉瑤  
瓊曉鏡清徹無痕翡翠明珠萬斛並瀉不知  
當名爲何物居天下何等便從此閣筆廢書  
十  
未可知也昔孫文定公南征記謂江南諸泉  
不及吾里孝水諸泉遠甚私心尚疑不無軒  
輒太過孰知汝南月旦果不誣耶午至七里

水  
店小憩夕陽入淄川城

煙水南詢溪山與園林頗得縱目惟方外難遇  
卽遇亦其可知者也若亭榭之美路轉峯迴  
廊腰曼折山窮雲起巨浪浮天舟倚檻而可  
登花經冬而更艷洵北地所無矣肤三徑道  
遙杖屨聊以適意若曲折太繁卽主人亦不  
能頻至每過巨園柴門常鎖松篁穿逕蝙蝠  
撲人良有由也尚不如齋旁小築花樹禽魚  
四時榮落之候跬步可期殊爲近而宜人耳  
記在金陵鄧元昭先生來訪寒溫之餘謂念

東先生與余曰明日可至我萬竹園跑跑去  
余問其言私竊訝之所云跑跑去者何辭也  
明日小小登臨之次夕陽及門主人出迓諸  
賓客小集處可里餘凡十折而後至主人曰  
曷往觀乎于是奚童前導賓主魚貫而從過  
重軒則小坐經曲檻則俯凭初見嘉樹則徒  
倚久之臨清潭則流連不去已而前者招呼  
後者路岐滉危欄如飛過長廊若失主人脫  
帽客子解衣時方十月僕汗濡濡客子告倦

尚未及園之半余問主人曰先生頻至此乎  
主人曰否曰今且何往主人曰可一登樓既  
上乃啓窓指示曰此園以東鳳凰臺也園內  
某爲某亭經某橋過某山出某樹至某軒則  
日下春矣姑歸小飲耳至是乃悟跑跑去三  
字先生蓋苦之之辭不吾欺也既至武林過  
戴帖瞻王綏山二公別墅皆在第後戴公之  
言曰始園師相商入門當深折一逕至極盡  
處始出而爲廳事時謂如此則主人之屐穿

矣將以誰爲乎余戲荅之曰南遊以來頗得  
園師心傳蓋皆宗九疊大篆文法也將爲三  
徑卽自西而極之稍前又自東而極之九疊  
而一徑成一篆成矣所謂蜂房木窩蠹不知  
其幾千萬落者遺法難傳惟九疊大篆文具  
在耳朕則阿房圖式其爲李斯丞相之筆無  
疑矣以質園師不知謂朕否夫爲園之難也  
有五山雖有色水難有聲逕難幽而曠樹難  
老居第難近此亦有天焉非盡人之所能爲

也故靈隱寺門冷泉山色慧泉山下泰園水  
聲寄語後來遊人莫杖屨匆匆過去也

10917

志壑堂文集

卷下

五

續香齋詩來 蘇人其共錄 蘇人其共錄  
並姓靈顯寺 國公泉山 西慧泉山 丁泰園水

